



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Praepositi In Berchtersgaden sub continua succeßione.

**urn:nbn:de:hbz:466:1-13578**

ligna ex vtraq; parte fluuij, qui dicitur *felba* succidantur, & deducantur per riuos & torrentes, & alio quocunq; modo, in ipsum fluuium à loco qui dicitur *Schellenberg*, & inferius vsq; ad decoctionem salis, superius autem *Schellenberg* in montibus ex vtraq; parte fluuij, qui dicitur *felba*, nihil iuris vel concessionis, sibi *Salisburgen.* vsurpare velit ecclesia.

In testimonium autem proprietatis, Ecclesie *Berchtersgadensis* in festo beati *Rudberti* in autumnno conferantur ex parte Chori, singulis annis duo aurei, æstimationem habentes LXXX. denariorum, *Salisburgen.* monete. Ex parte verò Archiepiscopi talentum eiusdem monete diuisim in duobus beati *Rudberti* festis persoluatur. Quod si constitutis temporibus, jam dictus census à prememoratis partibus non fuerit persolutus, præfati *Berchtersgadmen*: sectionem lignorum suorum, & euectionem eorundem vsque ad redditionem debiti sibi census prohibeant. De area verò quadam in ciuitate *Salisburgen.* sita, & ad maiorem Ecclesiam pertinente, sic statutum est, vt Ecclesia *Berchtersgadmen.* eam habeat pro beneficio, & singulis annis in testimonium proprietatis ecclesie *Salisburgen.* XII. denarios persoluat. Huius rei testes sunt, Eberhardus *Salisburgen.* Archiepiscopus, Apostolicæ sedis Legatus, Dominus Albertus maioris Ecclesie Præpositus, Fridericus *Berchtersgadensis* Præpositus, Albertus Decanus, Hartvicius, Hartfridus, Englmarius, Willehelmus, Hermannus, Canonici, Rudgerus plebanus de *Saltzburghouen*, Chunradus Scriba, & alij quam plures. Acta sunt hæc Anno Dominicæ Incarnationis M. CC. XI. III. Kal. Sept.

## PRAEPOSITI IN BERCHTERS-

*gaden sub continua successione.*

## EBERBINVS.

Primus huius loci præpositus ex Monasterio *Raittenpuech*, cum septem fratribus *Berchtersgaden* accessit, hanc Ecclesiam annos 34. deuotè & prosperè rexit. Quieuit in Domino Anno 1142. Sepultus ante altare S. *Crucis*, sub ferreo mausoleo.

## HVG O.

Canonicus *Salisburgen.* in Præpositum huius Ecclesie *Berchtersgadensis* postulatur, præfuit annos 4. Deinde ad præposituram *Salisburgen.* auocatur.

## HENRICVS.

Præpositus tertius, vtiliter præfuit annos 28. Hic ab *Alexandro* Papa tertio, liberam infulae vtendi facultatem impetrauit, Præterea à *Friderico* primo Romanorum Imperatore priuilegium super Imperiali huius Ecclesie tuitione, cum aurei sigilli appensione obtinuit. Idem Archiepiscopatum *Salisburgen.* *Adalberto* Archiepiscopo expulso, annos tres administrauit. Obiit anno 1174.

## THEODORICVS.

Præpositus quartus, gubernauit annos 4. obiit anno 1178.

## FRIDERICVS.

Præpositus quintus, rexit Ecclesiam per annos 10. Moritur Anno 1188.

## BERNHERVS.

De *Shônsteten*, qui præfuit Ecclesie annos 8. Tandem in Præpositum *Salisburgen.* Ecclesie postulatur.

## GERHARDVS.

Postulatur in Præpositum anno 1201. Hic Prælaturam resignauit.

## HVG O.

Præpositus octauus, rexit annos 9, obiit anno 1210. Calend. 12. Nouemb.

*Metrop. Salisb. Tom. II.*

R

CON-



CONRADVS GARRER.

9. Præpositus nonus, anno 1210. eligitur, qui eodem anno Præposituræ cessit.  
FRIDERICVS II. ELLINGER.

10. Præpositus decimus, Ecclesiam gubernauit annos tres, Hic *Roman* petiit, & in recessu, obtento Archidiaconatu, apud *Brundisium* 26. die Septembr. anno 1213. moritur.

HENRICVS II.

11. Præpositus vndecimus. Regimen tenuit annos 18. & in Domino obdormiuit anno 1231.

FRIDERICVS III.

12. Præpositus duodecimus, ex Monasterio *Reichersperg*, cui præsidebat, in huius Ecclesiæ Præpositum postulatus est, & præfuit annos 8. obiit anno 1239.

BERNHERVS II.

13. Præpositus 13. bene rexit annos 13. Idem mortem obiit anno 1252.

CONRADVS II.

14. Præpositus 14. anno 1252. electus, & eodem anno vita functus est.

HENRICVS III.

15. Præpositus 15. regnauit annos 5. moritur anno 1257.

CONRADVS III. de Medling.

16. Præpositus 16. electus: præfuit Ecclesiæ annos 26. obiit anno 1283.

IOANNES SAXO.

17. Præpositus 17. Hic Oblaiam Canonicis instituit & Chorum construxit. Et deinde *Conradi Vansdorfer* Archiepiscopi *Salisburgensis* pro tempore vicem egit. post in Episcopum *Brixinensem* postulatus est.

HARTVNDVS.

18. Præpositus 18. ad huius Ecclesiæ Regimen de Præpositura *Gurcensi* anno 1305. postulatus & vocatus est. Rexit vnum annum. Et idem anno 1306. factò concessit.

EBERHARDVS SAXO.

19. Decanus *Salisburgensis*, in huius loci Præpositum 19. postulatus est. Hic præfuit annos 10. Deinde ad Præposituram *Salisburgensem* vocatus est.

CONRADVS IV. *Tanner* dictus.

20. Præpositus 20. 19. annos rexit; qui ob nimiam seueritatem Canonicos & prouinciales contra se magno cum Ecclesiæ periculo concitauit. Obiit anno 1335.

HENRICVS IV.

21. Præpositus 21. vir domesticæ curæ vigilantissimus; rexit annos 17. Multis hic feudis, prædiis, & vineis in *Austria* emptis, Ecclesiam ditauit, moritur anno 1352.

REINOLDVS ZELLER dictus.

22. Præpositus 22. electus. Ecclesiæ præfuit annos tres, mortuus est año 1355.

OTTO *Tanner*.

23. Electus in huius loci Prælatum 23. rexit annos 2. obiit anno 1357.

PETRVS *Pfeifinger*.

24. Præpositus 24. regimen habuit annos 10. Idem expirauit anno 1367.

IACOBVS *Vansdorfer*.

25. Electus præfuit vnum annum. Hic Sacellum S. *Anne* à se fundatum, multis indulgentiis dotauit, & anno 1368. leuatur ad astra.

GREI-



## GREINOLDVS WVLP.

Præpositus 26. Ecclesiam annos 9. gubernavit, qui plurima in *Bauaria* feuda emit, aliaq; bona multa fecit. Idem mortis viam iniuit anno Domini 1377. 26.

## VDALRICVS WVLP.

Præpositus 27. Ecclesiam annos septem continuis in litibus & tribulationibus moderavit, & eam postea quasi coactus ad manus capituli resignavit. 27.

## CONRADVS V. TORAR.

Canonicus *Salisburgensis*, fit ex compromisso quodam huius Ecclesiæ Præpositus 28. qui annos 8. cum non satis dolenda Ecclesiæ iactura infelicissimè regnavit. Deinde Prælaturam accepto Episcopatu *Lauantinen. Piligrino* Archiepiscopo *Salisburgensi* sub prætextu piæ commendationis liberè resignavit, atq; hoc modo Ecclesiam lachrymantem per años 17. sine vero Pastore sub peregrinorum mercenariorum manibus miserè exulare fecit, obiit anno 1392. 28.

## PETRVS PIENZENAVER.

Præpositus anno 1404. per *Bonifacium* Papam IX. consiliis & auxiliis Ducum *Bauariæ*, cum loci huius Præpositura prouisus, & ad eam anno 1409. inuestitus & confirmatus est. Gubernavit Ecclesiam summa cum laude annos 23. Idem phæbo concessit anno 1432. 29.

## IOANNES PRAVN.

Præpositus 30. Ecclesiam annos 14. commodè rexit. Idem anno 1446. ex hac luce substractus est. 30.

## BERNHARDVS LEVPRECTINGER.

Præpositus 31. regnavit annos 27. Hic pro conseruandis antiquis Ecclesiæ viribus in Curiis Imperatoris *Friderici* tertij, & *Ladislai* Regis *Bohemiæ*, grauibus obtinuit cum impensis, obiit anno 1473. 31.

## ERASMVVS PRETSCHLAIPFER.

Præpositus 32. electus eodem anno diuenditis quibusdam prædiis rexit annos 12. mortuus est anno 1485. 32.

## VDALRICVS PERNAVER.

Præpositus 33. præfuit Ecclesiæ annos 11. postea Prælaturam multis contractis debitis resignavit. 33.

## BALTHASAR HIRSCHAUER.

Præpositus 34. administrauit Ecclesiam annos 12. Deinde ob malam corporis valetudinem præposituræ cessit. 34.

## GREGORIVS RAINER.

Decretorum Doctor. Præpositus 35. Ecclesiam annos 16. hypothecis variis, & debitis redemptis vtilissimè moderavit, anno 1507. mortis legibus indulsit. 35.

## WOLFGANGVS LEBERGER.

Regimini electus præfuit, & Ecclesiam ab hypothecis variis, & debitis prorsus liberam, præterea ædificia multa & insignia fecit. Idem obiit anno 1523. 36.

## WOLFGANGVS GRIESTETTER,

ab Haslach.

Præpositus 37. postulatus, rexit annos 26. præcipuam partem officinæ seu domus patellarum pro salis coctura, hic in *Fraunreidt* construxit, *Serenis. Bauariæ* Ducis *Alberti* per liberali contributione adiutus, Claustrum Monialium hic destruxit, & nouâ structurâ eius loco erexit, quâ tamè nõ absoluit, nec perfecit, multis insuper prædiis ab eo venditis, obiit año Dom. 1567. die 14. mensis Iulij. 37.

*Metrop. Salisb. Tom. II.*

R 2

IACO-



## IACOBVS PITRICH.

38. Præpositus 38. per compromissum electus, qui nunc præest etiam. Quo viuo in Coadiutorem postulatus Sereniss. Princeps *Ferdinandus* junior vtriusq; *Bauariæ* Dux.  
Obiit idem *Iacobus Pitrich* anno 1594. in mense Decembri.
39. Mortuo *Iacobo Pitrich* successit in regimen prædictus Serenissimus Princeps *Ferdinandus* junior, Comes Palatinus Rheni, vtriusq; *Bauariæ* Dux, Coadiutor Archiepiscopatus & Electoratus Colonienfis, & Administrator Ducalis Bertergadenfis Pontificia & Imperatoria autoritate confirmatus. Cuius Serenitati DEVS OPT. MAX. felix regimen tribuat, eamq; diutissimè saluam & incolumen conferuet.

Ex hac successionis linea præcipuè notandum.

**P**etrum *Pienzenauer* Præpositum 29. per *Bonifacium* Papam IX. confirmatum fuisse; atq; *Conradum Tanner* Præpositum 20. suffragiis Sedis Apostolicæ conatus Canonicorum & Prouincialium repressisse. Item *Fridericum Ellinger* Præpositum 10. Archidiaconatum *Romæ* obtinuisse pro se & successoribus suis, anno Domini 1213. Deinde *Henricum* Præpositum tertium Archiepiscopatum *Salsib.* administrasse. Et *Ioannem Saxonem* Præpositum similiter.

COPIA INSTRUMENTI POSTVLATIONIS SER<sup>MI</sup>

*Boiariæ Ducis Ferdinandi: de qua supra mentio fuit facta.*

**N**os *Iacobus* Dei gratia Præpositus & Archidiaconus Monasterij in *Berchdesgaden* ord. S. *Augustini*, Canonicorum Reg. Decanus & Capitulum ibidem, testamur in verbo veritatis, & notum facimus, quod nos vigore nostrorum priuilegiorum, atque iustis & legitimis de causis animum nostrum mouentibus, & vrgentibus, adhibito maturo iudicio & consilio, vnanimi voto & consensu, in Coadiutorem postulauerimus, & futurum Præposituræ *Berchdesgaden.* successorem, Serenissimi *Bauariæ Ducis Wilhelmi*, Domini nostri clementis, filium *Ferdinandum*: sicut eum ipsum tenore præsentium postulamus, ac postulatam velumus, pro vt de iure, vel consuetudine melius potest, non obstante cuiuscunque contradictione, contra liberam nostram eligendi, seu postulandi facultatem, prætensa.

Quam quidem postulationem nostram, vt idem commemoratus Princeps *Ferdinandus*, & gratiosissimè acceptare, & confirmationem eius nobiscum impetrare dignetur, maiorem in modum rogamus. Ea tamen conditione, vt postulatus Illustriss. Princeps supradictus, sub spe Regularis professionis quandoque faciendæ, interim Coadiutoriam non per extraneas personas substitutas, sed per aliquem Canonicum Religiosum hic professum, administret, si per se ipsum non commodè potest: vtq; in omnibus, quoad eius fieri potest, morem seruare studeat antiquum in administratione eiusdè. Qua si deinceps liberare se velit, nulli alteri quouis titulo eam conferat, sed pleno iure Capitulo iterum resignet. In cuius rei fidem, ac testimonium hoc nostræ postulationis scriptum, subscriptione cuiuslibet nostrum, & sigillorum nostrorum appensione, muniri fecimus. Actum in nostro *Berchdesgaden*, die vicesimo septimo Mensis Iunij, Anno salutis nostræ M. D. XCI.

*Iacobus Præpositus & Archidiaconus.*

*Iohannes Marquardus* Anfang. Canonicus & Decanus.

*Ioannes Benedictus* à *Perfall*.

*Ioannes Mairhofer* Senior,

*Sebastianus*